

閩雜記

地 310
938

卷三十一



光緒戊寅初春

閩雜記

申報館印

申報館
聚珍板印

叙

閩雜記一書錢塘施可齋先生著也先生博學多聞湛深經術不得志於有司橐筆游閩爲幕府上客平生以撰述自娛著有春秋左傳註疏五案六十卷博攷羣書萃衆說而斷以己意足補頤亭林漁松崖朱愚菴沈果堂諸家所未備其他則有炳燭紀聞十六卷讀杜隨筆八卷亦多發古人未發之覆又以其餘力爲是書凡閩之山川人物風俗氣候與夫墜聞逸事隨所見聞一一具載蓋地志之支流也先生旣歿遺書歸其鄉人宋湘亭大令未幾湘亭亦卒家屬旋杭州書之存亡不可卜矣此稿爲先生生時寄存王華齋通守處故猶在閩省第珍惜甚秘如枕中鴻寶得見者罕歲甲戌余來三山因與通守有葭莩誼始得假觀之其所紀雖不出一鄉一國而網羅古今洪纖畢具述

閩雜記

叙

一

事陳辭辨而不華質而不俚於世道人心政事風教尤三致意焉閩爲天南奧區地大物博方志有所未盡得先生是編以參驗之仕宦者可以知民隱游覽者可以觀土風作史者可以備採摭談藝者可以資攷証視王懋宣閩大紀周櫟園閩小紀不啻兼擅其勝洵必傳之作也方擬勘校釀費付梓而通守匆匆索歸僅摘錄其十之三四藏行笥中今秋携以回里閒居無事重加省覽恐其久而散佚爰略釐正分編十二卷畀尊聞閣主人排印以廣其傳若夫欲窺全豹則自有通守所存之原稿在而此固不妨先出焉雖然先生畢生精力所注尤在其說經之書有心者能訪而彙刊之俾鴻篇鉅製復顯於羸埋晦蝕之餘則是書也亦猶鳳之一毛麟之一角爾

光緒紀元乙亥八月初吉會稽朱堦伯吹氏序於西村別墅

叙

宋王懋宣著閩大紀國朝周亮工著閩小紀大紀四庫未收世亦罕有傳本惟朱竹垞咸淳三山志跋有云十五國時事多出王氏閩大紀之外林繹八閩遺書攷有云王氏此書爲考証閩地疆域之資似其所載多王閩時佚事並山川關隘建置移易跡也小紀則四庫收之言其備紀閩中物產民風以及墜聞細事乾隆間石門吳氏刻入說鈴中見者多矣余自道光乙巳來閩迄今十有四年十府二州其未歷者福甯漳州永春臺灣而已凡至之處嘗與博雅談讌輒詢事蹟見聞或爲志地未載載而未詳者一有所得卽隨手綴錄聞加探訪辨證之留意旣久至丙辰歲已積九百餘條廼甄爲二十卷不分類也丁巳小春遭粵匪回省檢點舊存笈中則此稿幸尙無恙於是追憶補續

閩雜記

叙

參攷刪改畧分天地人物四類附以雜中所著思悖錄共爲二十六卷名之曰閩雜記蓋以事無統類碎屑相承非敢謂兼大記小記後焉錄竣爰叙數語如是知者諒之

咸豐八年戊午仲夏武林施鴻保誌於閩縣之蔗亭

施可齋先生傳

先生姓施氏諱鴻保字可齋浙江錢塘人父某生三子先生其季也三歲而孤賴母夫人食貧守志撫育成立幼穎異一日入塾晚師舉何晏也命對應聲曰王勃然師驟未解先生曰何晏王勃非兩人姓名耶師始悟而賞之及長於書無所不讀工詩古文尤精考証道光甲申受知於杜石樵學使入邑庠踰年食餼舉優行侯官林文忠公觀察杭嘉湖課士紫陽書院得先生卷異之拔置第一撰楹帖手書以贈江夏彭芝楣中丞撫浙甫復詒經書舍選高材生三十六人肄業先生與焉試輒冠其曹中丞以國士禮之平居與同郡沈公祖懋金公肇洛邵公懿辰陳公元鼎馮公培元結社西湖論文角藝旂鼓相頡頏或凌其上一時聲名噪甚顧數奇先後十四應鄉舉卒不遇中歲遂從

閩雜記 傳

一

事幕府游江西游閩而於閩尤久足跡遍上下游所至輒交其賢豪訪其山川人物風俗氣候與夫墜聞佚事一發之於詩歌雄奇幽麗見者如讀異書嘆爲得未曾有道德咸聞宜黃陳先生偕燦符先生兆綸桐城張先生用禧詩人之雄也方主三山壇坵聞其名皆折節下交相與唱酬先生爲人純和介樸遇人灼灼無矜顏躁容然義之所在雖賁育弗能撓尤重貞烈道光丁未館邵武邑輿夫陳華寶妻黃氏仰藥殉夫時來子庚觀察知縣事先生力請爲之旌表刑幕學官泥於律爭之不得乃屬觀察躬詣祭奠而自爲文誄之泐石墓上咸豐丁巳春長白延英公守汀州聘先生行會粵逆石達開寇閩破邵武郡邑進陷汀之甯化郡城糗糧軍火俱缺兵練皆烏合不可守賓佐星散延公泣留先生託以後事先生感其義諾之且爲畫守禦策甚具

延公惑於總兵言不果用越兩日賊至總兵遁延公出城禦敵
殉難先生亟命人送其孥於上杭甫去而賊已入城矣先生遂
被執逆酋詰其姓氏先生曰我錢塘秀才施某也賊聞之喜命
留司筆札先生堅弗從賊置刃其頸而抽之曰汝不畏死乎先
生嘆目怒曰死賊吾頸豈爲汝磨刃者耶死則死耳何多言爲
逆酋亦怒將加害別賊陳姓者爲詭辭以解乃得釋陳本江右
巨家子被脅入賊中憐其爲同類而救之也賊退先生獲延公
屍於上礁鄉合其元具禮歛焉當是時賊竄上杭縣令程君尙
塙議城守專使延先生旣至圍已合饑絀人情洶洶程君問計
於先生先生曰民保於城亦城以保民今民知無可逃不得不
守矣特慮賊傳僞檄甘言誘降相煽惑耳官下令得賊牒卽焚
諸城上啓視者斬則民心可固也民心旣固乃勸紳富出錢穀

閩雜記

傳

二

佐軍實利害所關忠義所感必有指困而至者若夫獎賞有功
則一言一食之間莫不可激之使奮古之人投膠挾纊豈盡藉
府庫財哉從其言衆定而食以足先生偕程君日巡埤堦間賊
時來攻喊聲震山谷守者恐先生令擂鼓以亂之鉛藥不足先
生令以小砲置巨砲旁而但施小砲賊以爲巨砲虛設也比至
乃驟發擊斃無算自是賊不敢偪相持凡六晝夜廣東顧運副
炳章率潮勇來援圍乃解嗟乎先生雖不得置身通顯無尺寸
功業表見於當時而其應變之略報國之心於此可槩見矣先
生性至孝家居事母不頃刻離母歿始出遊所任夢母諸詩纏
綿淒楚令人啜泣遇下有恩奴僕感之在汀時有僕林升先生
命送其友之家屬於鄉聞城陷痛哭走尋先生避盜奪其衣糧
仍乞食前行不稍悔其得人心如此平生無他嗜惟勤學不倦

人事暇即閉戶讀書至漏三下猶呶唔弗輟聞人有秘笈善本必借觀勘其真偽異同嘗厲福州陳恭甫太史家見所藏書板手摩口誦至於頭面俱黑人傳爲笑先生夷然不顧也先生於羣經皆有論說而尤精於左氏嘗以顧亭林惠松崖朱愚菴沈果堂四家所補杜注爲未盡博考羣書萃衆說而斷以新意著春秋左傳注疏五案六十卷其訂正經史者則有炳燭紀聞十六卷解釋杜詩者則有讀杜隨筆八卷多發古人未發之覆其他又有閩雜紀二十六卷思惺錄一卷可齋詩文集若干卷俱未梓同治辛未三月自泉州晉省以疾歿於旅邸年七十餘無子賴其鄉人宋湘亭明府以歛歿後遺稿多散佚惟閩雜紀存王華齋通守處余初未識先生嘗就華齋詢其行誼輒慨然想見其人爰摭梗概而爲之傳

贈詩

浮雲聚散本無端高館張燈話夜闌傾倒應劉好才調指揮屈

宋作衙官

去歲相晤光澤幕中即席得讀大箬

西湖明月行吟滿東閣梅花再到寒

君旋以鄉試返浙及予冬暮重抵光澤君報罷猶未還也

洒徧秋風遼海泪文章知遇古來難

策馬霞紅嶺上關綠榕城郭畫圖間便甘沈飲非無故不換浮

名是此閒拓筆波瀾橫大海閉門風雨坐名山憐予竊比嵇康

懶所事難堪一例刪

淘洗胸中萬斛塵好詩乍見且嘗新

用宋句

淮南漫說能招隱鄰

女何堪苦效顰吟過鶯花聯社約料量鮭菜補家貧風濤滾滾

琴絃在願就成連一問津

說著鱸魚宦味稀沐猴冠帶是耶非妄言此座公真醉小買扁

舟我欲歸楓葉紅時山已瘦蘆花白後水仍肥一簑一笠平生

閩雜記 贈詩

一

了鷗鷺盟尋舊釣磯

宜黃符兆綸雪樵

閩雜紀卷一目錄

風有形色

颶與颶同

燥風溼風

輪供雨

破篷

趁雨

龍虎鬥

龍神為龍星

奎星古作畫字

天地誕日

大餘小餘

暴風與颶不同

颶母

紫雨

呼風魚

雨泥塔

豨虹

交瓶

虹占風雨

冰雪

木籠

丙時

閩雜記 目錄

窈九

鬪鷄會

祖先難日

搓圓

迎春土牛芒神式

鬼賀年